

সাইট প্রিপারেশন ও লে-আউট সাধারণ জিজ্ঞাসা



লে-আউট দেওয়া জরুরী কেন?

বিল্ডিং প্ল্যান বা নকশাকে মূল ভূমিতে স্থানান্তরই হল লে-আউট। ভবনের ফাউন্ডেশন বিশেষ করে ফুটিং, পাইলিং-এর সেন্টার এবং কলামের সেন্টার ইত্যাদি বিষয় সরাসরি লে-আউটের উপর নির্ভরশীল, তাই অবশ্যই একজন দক্ষ ও অভিজ্ঞ ইঞ্জিনিয়ারের তত্ত্বাবধানে ভবনের লে-আউট প্রদানের কাজ সম্পন্ন করতে হবে।

লে-আউট-এ কোন কোন বিষয়সমূহ খেয়াল রাখা উচিত?

লে-আউট প্রদানের পূর্বে জমি অবশ্যই লেভেল বা সমান করে নিতে হবে এবং গাছ, ইট, পাথর বা অন্য যেকোন আবর্জনা থাকলে তা সরিয়ে ফেলতে হবে। লে-আউট প্রদান এবং যেকোন পরিমাপ নির্ণয়ে অবশ্যই স্টিল এর টেপ ব্যবহার করতে হবে, প্লাস্টিকের টেপ ব্যবহার করলে মাপে কম-বেশী হওয়ার সম্ভাবনা আছে।

লে-আউটের সঠিকতা যাচাই করা যায় কি উপায়ে?

প্রতিটি বর্গাকার, আয়তাকার কক্ষের ক্ষেত্রে কর্ণ বরাবর সুতা টেনে কক্ষের আকৃতি সঠিক আছে কিনা তা নির্ণয় করা যায়। সুতা বাধার পর প্রত্যেকটি কোণ সমকোণ আছে কিনা তা দেখতে হবে (মাটাম এবং ৩, ৪, ৫ পদ্ধতিতে চেক করা) এবং কোনাকুনি মাপ ঠিক আছে কিনা তা চেক করে নিতে হবে।